

KANTON SARAJEVO**SKUPŠTINA KANTONA SARAJEVO****NAROD I PRAVDA****Arijana Memić, zastupnica****LJEKARSKA KOMORA KS****PREDMET: INICIJATIVA**

Podnosim inicijativu za pokretanje postupka utvrđivanja povreda dužnosti ljekarskog zvanja protiv generalne direktorice KCUS-a Sebije Izetbegović i drugih, zbog uskraćivanja liječenja i prava na izmještanje na liječenje izvan BiH.

OBRAZLOŽENJE

Obzirom da i pored opće poznatih činjenica o slučaju uskraćivanja prava na liječenje mlđb. Nadin Smajlović i uskraćivanja odobrenja za izmještanja pacijentice na liječenje izvan BiH, Ljekarska komora KS nije reagirala po službenoj dužnosti ili inicijativom njenih članova, dajem Inicijativu za pokretanje postupka utvrđivanja povreda dužnosti ljekarskog zvanja protiv generalne direktorice KCUS-a Sebije Izetbegović i 10 ljekara Pedijatrijske klinike KCUS-a i to: dir. discipline dr. Edo Hasanbegović, dr. Danka Pokrajac, dr. Zijo Begić, dr. Sniježana Hasanbegović, dr. Melika Melunović, dr. Feriha Hadžagić-Ćatibušić, dr. Ismeta Kalkan, dr. Verica Mišanović, dr. Meliha Sakić i dr. Sajra Užičanin. Inicijativu pokrevem na osnovu Člana 7 Pravilnika o odgovornosti članova Komore.

Zahtjevam da se inicijativa prihvati, a da slučaj procesuiraju nadležna tijela Ljekarske komore KS prema odredbama Pravilnika. Smatram da su imenovani počinili tešku povredu Kodeksa medicinske etike i deontologije te da ima osnova za izricanje najteže sankcije iz Člana 3 Pravilnika – oduzimanje odobrenja – licence za samostalan rad. Uz Inicijativu za pokretanje postupka prilažem dio medicinske dokumentacije pacijentice Nadin Smajlović i druge dokaze koji ukazuju na teško kršenje Kodeksa.

Skenderija br. 5, 71000 Sarajevo E-mail: info@narodipravda.ba

Telefon: +387 33 860 860 ID: 4202505180000 Šifra djelatnosti: 94.92

Račun br. Raiffeisen Bank: 1610000197720058

Radi se o događaju iz novembra 2019. godine (i dalje) kada je pacijentica mladb. Nadin Smajlović iz Sarajeva hospitalizirana na Pedijatrijskoj klinici sa utvrđenom dijagnozom (Autoimuni hepatitis, Hashimoto tireoditis, Tuberkuloza jetre) i terapijom koja se nije mogla aplicirati na KCUS-u zbog nedostajućih lijekova i neiskustva ljekarskog kadra sa ovom vrstom bolesti, čime je pacijentica ispunjavala uslove za izmještanje na dalje liječenje izvan BiH, a o trošku ZZOiR FBiH. Detalje o zdravstvenom statusu pacijentice i stavovima ljekara na Pedijatrijskoj klinici možete vidjeti u Otpusnom pismu i medicinskoj dokumentaciji (u Prilozima).

Osnov Inicijative za pokretanje postupka u ovom slučaju su činjenice: (1) odbijanje ljekara da preuzmu liječenje pacijentice; (2) odbijanje generalne direktorice Izetbegović, dr. Ede Hasanbegovića i članova komisije za izmještanja da odobre izmještanje, iako je pacijentica imala pravo na to po važećim propisima (3) javno objavljivanje podataka o bolesti pacijentice na zvaničnoj stranici KCUS-a.

Ovim postupcima su zdravlje i život pacijentice ozbiljno dovedeni upitanje, čega su bili svjesni imenovani specijalisti pedijatrije i generalna direktorica. U tim okolnostima došlo je do incidenta – prijetnji ljekarima Pedijatrijske klinike od strane oca pacijentice, zbog čega je isti procesuiran.

Medicinsko zbrinjavanje pacijentice ostavljeno je na teret roditeljima, što su roditelji i učinili, a da se odgovorni na KCUS-u kasnije ni na koji način nisu interesirali za stanje pacijentice. Naprotiv, javne kritike zbog njihovog postupanja bili su razlog za mobing nad majkom pacijentice Aminom Smajlović, koja je uposlenica KCUS-a.

Smatramo da su imenovani ljekari navedenim postupanjem prekršili: Zakon o zdravstvenoj zaštiti FBiH (Članovi 3 i 26), Kodeks medicinske etike i deontologije (Član 4, alineja 2 i 4, Član 5), a time i Pravilnik o odgovornosti članova Komore (Član 2 – kršenje etičkih principa propisanih Kodeksom). Ljekarska komora KS u ovom slučaju, temeljem ove Inicijative, trebala bi postupati u skladu sa ciljevima iz vlastitog Statuta i to posebno iz Člana 10 stav (1), Člana 11 stav (1) i (10), a pitanje opravdanosti oduzimanja licence, obzirom na kršenje Kodeksa, Komora bi morala razmatrati po Članu 11, stav (11) – izdavanje, obnavljanje i oduzimanje licence članovima. Također, Ljekarska komora KS bi morala na temelju nadležnosti propisanih Statutom Ljekarske komore KS poduzeti mjere za koje su u ovom slučaju nadležni Sud časti, Tužitelj i Branilac unutar Ljekarske komore KS čija je uloga propisana kroz članove Statuta od Člana 40 do Člana 48 tj. istražiti slučaj, ispitati aktere i donijeti odgovarajuću mjeru definiranu u Članovima 69 i 70 (Oduzimanje licence). U istom kontekstu Ljekarska komora je dužna primijeniti odredbe Pravilnika o odgovornosti članova Komore te pokrenuti i voditi postupak protiv svojih članova u skladu sa odredbama Pravilnika (od Člana 4 do člana 34). Dokazi:

Da je počinjeno teško kršenje Kodeksa medicinske etike i deontologije i zakona koji uređuju oblast zdravstvene zaštite postoje sljedeći dokazi: 1) iskaz generalne direktorice KCUS-a Sebije Izetbegović zabilježen video-zapisom u kojem imenovana navodi da „niko ne želi prihvatiti liječenje ovakvog djeteta“ (link u Prilogu); 2) dokument sa potpisima ljekara Pedijatrijske klinike KCUS-a,

koji su se izjasnili da ne žele liječiti malodobnu pacijenticu (u Prilogu); 3) dokument Kliničkog centra Tuzla kojim se odobrava izmještanje pacijentice u Tursku; 4) Rješenje Agencije za zaštitu

ličnih podataka BiH kojim se utvrđuje neovlašteno javno objavljivanje podataka o zdravstvenom stanju pacijenta i nalaže uklanjanje podataka.

Smatram da je ugrožavanje zdravlja mladb. pacijentice Nadin Smajlović, obzirom na educiranost ljekara o kojima je riječ, počinjeno sa sviješću da bi izostanak terapije na KCUS-u (za šta nije bilo uslova) i uskraćivanje prava na izmještanje u kliniku izvan BiH za posljedicu moglo imati pogoršanje bolesti i smrtni ishod, a ipak nisu poduzeli mjere u korist pacijentice.

Za takvo ponašanje (uskraćivanje izmještanja) generalna direktorica Izetbegović i imenovani doktori nemaju pravno uporište. Dokaz za to je činjenica da je po istovjetnoj proceduri za izmještanje pacijenta, a na temelju istih medicinskih pokazatelja koji su bili na raspolaganju i Pedijatrijskoj klinici KCUS-a, odluku o izmještanju donijela nadležna komisija za izmještanje Kliničkog centra u Tuzli (u Prilozima). Ovo je dokaz da su isto mogli učiniti i na KCUS-u znatno ranije i bez ugrožavanja života pacijentice, ali to svjesno nisu učinili kršeći etički kodeks struke i zakone. Za opisano ponašanje nemaju niti moralno i psihološko uporište tj. navodni „strah za vlastiti život“ kao opravdanje.

Ako je u momentu incidenta, kad je otac na ljekare uperio gasni pištolj, i bilo privremenog šoka i stresa, to ne opravdava činjenicu da se navedeni ljekari niti u narednim mjesecima nisu interesirali za zdravlje bolesne djevojčice, niti su za 6 mjeseci promijenili izrečeni i potpisani stav da ne žele preuzeti njeno liječenje.

Šta više, niti “strah za vlastiti život“ ne može biti razlog odbijanja pomoći pacijentu, jer je općepoznato da su ljekari u mnogo težim i rizičnijim tj. ratnim uvjetima stalne prijetnje po život obavljali svoj posao! Što se tiče neetičnosti otkrivanja podataka o pacijentu, napominjemo da je na prigovor roditelja Denisa i Amine Smajlović zbog javnog objavljivanja podataka o bolesti njihove mladb. kćeri Nadin na web-stranici KCUS-a (a što je u suprotnosti i sa Zakonom o zaštiti ličnih podataka) Agencija za zaštitu ličnih podataka BiH donijela Rješenje i naložila menadžmentu KCUS-a da ukloni podatke o bolesti pacijentice (Rješenje Agencije u Prilozima) Također, protiv odgovornih lica KCUS-a, Prof.dr. Sebije Izetbegović, menadžmenta i postupajućih ljekara sa Pedijatrije podnesene su krivične prijave Tužilaštvu KS, MUP-u KS i Općinskom sudu u Sarajevu zbog krivičnog djela iz Člana 232 (Nepružanje medicinske pomoći) i Člana 187, stav 1 KZ FBiH (Neovlašteno otkrivanje profesionalne tajne) te su ti postupci u toku.

Zahtjevam da po ovoj Inicijativi pokrenete postupak iz svoje nadležnosti te da o ishodu istog obavijestite ustanovu (KCUS), javnost i mene kao pokretača inicijative.

Prilozi:

- Akt Discipline za zdravlje djeteta, Pedijatrijska klinika 1 i 2 od 28.11.2019.
- Iskaz generalne direktorice KCUS-a Sebije Izetbegović na linku:
<https://www.youtube.com/watch?v=YMhBaL8fnmw>
- Otpusno pismo s pedijatrijske klinike od 08.11.2019.g
- Akt Stručne komisije za upućivanje u inostranstvo KC Tuzla, broj: 02-62-38/20 od 25.03.2020. godine.
- Rješenje Agencije za zaštitu ličnih podataka BiH od 13.05.2020. godine

Sarajevo 19.05.2020.godine

Zastupnica u Skupštini KS

Arijana Memić